

**BOSNA I HERCEGOVINA
FEDERACIJA BOSNE I HERCEGOVINE
POSAVSKI KANTON
KANTONALNI SUD U ODŽAKU**

Broj: 002-0-Su-24-000 156

Datum: 10.06.2024. godine

Na temelju članka 31. stavak 1. Zakona o sudovima u Federaciji BiH („Službene novine Federacije BiH“ broj 38/05, 22/06, 63/10, 72/10, 7/13, 52/14 i 85/21), članka 8. točka j) Pravilnika o unutarnjem sudskom poslovanju Federacije BiH i Brčko Distrikta ("Službeni glasnik BiH", broj 66/12, 40/14, 54/17 i 60/17), Smjernica za objavljivanje sudskih i tužiteljskih odluka, akata i informacija o predmetima broj: 07-02-3-1279-3/2024 od 21.03.2024. godine i Uputstva za anonimizaciju („Službeni glasnik BiH broj: 25/24), v.d. predsjednika Kantonalnog suda u Odžaku, donosi

P R A V I L N I K
o objavljivanju sudskih odluka, pravnih shvatanja i informacija o predmetima

Članak 1.

Kantonalni sud u Odžaku na službenim web stranicama objavljivat će pravomoćne sudske odluke, te informacije o predmetima koji su u tijeku.

Članak 2.

Objava odluka i informacija iz članka 1. vršit će se na temelju Smjernica za objavljivanje sudskih i tužiteljskih odluka, akata i informacija o predmetima broj: 07-02-3-1279-3/2024 od 21.03.2024. godine (u daljem tekstu: Smjernice), koje je usvojilo Visoko sudsko i tužiteljsko vijeće BiH, na sjednici održanoj dana 20. i 21.03.2024. godine.

Članak 3.

Sve odluke i informacije iz članka 1. prije objavljivanja biće anonimizirane u skladu sa Uputstvom za anonimizaciju („Službeni glasnik BiH broj: 25/24).

Članak 4.

Pravomoćne sudske odluke koje se objavljuju na web stranici Suda istovremeno se dostavljaju Visokom sudskom i tužiteljskom vijeću BiH u .docx formatu uz prateći obrazac (koji je sastavni dio ovog Pravilnika) i u anonimiziranoj formi radi njihove trajne pohrane u centralnoj bazi sudskih odluka.

Članak 5.

Pripremu dokumenata iz članka 1. za objavu na web stranici suda vršit će web urednik, a na temelju Smjernica i Uputstva za anonimizaciju.

Članak 6.

Nositelji pravosudnih funkcija dužni su dostaviti pravomoćne sudske odluke koje na temelju Smjernica podliježu obavezi objavljivanja web uredniku, koji će izvršiti anonimizaciju istih i pripremiti ih za objavu na web stranici suda na temelju Smjernica i Uputstva za anonimizaciju i nakon odobrenja Glavnog urednika, izvršiti objavu istih na web stranici i dostaviti VSTV-u BiH u skladu sa člankom 4. ovog Pravilnika.

Članak 7.

Objavu dokumenata iz članka 1. ovog Pravilnika na web stranicu vršit će web urednik, a na temelju isključivog odobrenja Glavnog urednika i u formi kakve ih zaprimi.

Članak 8.

Web urednik se zadužuje da na web stranici Suda formira module, kategorije i podkategorije za objavu dokumenata iz članka 1., a u skladu sa Smjericama.

Članak 9.

Ovaj Pravilnik stupa na snagu danom donošenja, a za njegovu primjenu odgovorni su članovi web uredništva Kantonalnog suda u Odžaku.



V.D. PREDSJEDNIKA SUDA
Dženeta Pašalić

OBRAZAC SAGLASNOSTI ZA OBRADU PODATAKA

KANTONALNI SUD U ODŽAKU

Broj predmeta:

Datum:

Ja, _____ iz _____,
(ime, ime jednog roditelja, prezime)

Nakon što sam upoznat/a sa mogućnošću da moji lični podaci mogu biti dostupni javnosti u slučaju objavljivanja sudskih odluka, akata i informacija o predmetu na specijaliziranim web servisima pravosudnih institucija i poučen/a o pravu da u svakom trenutku mogu podnijeti zahtjev za brisanje/anonimizaciju/uklanjanje svojih ličnih podataka,

potvrđujem da sam saglasan/saglasna da se u ovom predmetu mogu obrađivati moji lični podaci dok se ne ostvari svrha njihovog objavljivanja.

-Lični podaci, u smislu odredbe članka 3. Zakona o zaštiti ličnih podataka BiH („Sl.glasnik BiH", br. 49/2006, 76/2011 i 89/2011- ispr.) podrazumijevaju bilo koju informaciju koja se odnosi na fizičko lice koje je identifikovano ili može da se utvrdi identitet lica.

-Specijalizirani web servisi pravosudnih institucija su: Službene web stranice pravosudnih institucija, centralna Baza sudskih odluka BiH, Portal sudske prakse Bosne i Hercegovine i Mapa sudskih predmeta od javnog interesa.

-Svrhu objavljivanja sadržaja na specijaliziranim web servisima u kojima su otkriveni lični podaci fizičkih lica, kontrolor podataka cijeni u svakom konkretnom slučaju.